

Ա. Ս. ԲԵԺԱՆՅԱՆ

ՀԱՅ ԳՅՈՒՂԱԳՐՈՒԹՅԱՆ ՄԻ ՔԱՆԻ ՀԱՐՑԵՐ

Հայ գյուղագրության պատմությունը մեր գրականագիտության տակավին չուսումնասիրված մարզն է:

Գյուղագրության, իբրև գրական դպրոցի ծնունդը, նրա զարգացման սոցիալ-տնտեսական պատճառների բացահայտումը՝ սովետական գրականագիտության առաջնահերթ խնդիրներից մեկն է: Այդ ուղղությամբ առաջին րայլը մեզանում արել է գրականագետ պրոֆեսոր Արսեն Տերտերյանը 1927 թ. հրատարակած «Նկատողություններ մեր գյուղագիրների մասին» իր աշխատությամբ, որտեղ ուսումնասիրության նյութ դարձնելով գյուղագրությունը, հեղինակը ելնում էր նրա արդիական նշանակությունից ինչպես գեղարվեստական գրականության, այնպես էլ հասարակական զարգացման պրոցեսը մեկնաբանելու իմաստով: «Հայ գյուղագիրների գրական ուսումնասիրությունը,— գրում է նա,— անհրաժեշտ է ճիշտ այնպես, ինչպես և հայ գյուղի անցյալի ուսումնասիրությունը»:

19-րդ դարի հայ գյուղի սոցիալ-տնտեսական կյանքի պատկերը ներկայացնող վիճակագրական տվյալները համադրելով գյուղագրության տված պեղարվեստական փաստերին, Տերտերյանը ընդգծում է վերջիններիս ճշմարտացիությունն ու համոզականությունը: Նա միաժամանակ զուգահեռներ անցկացնում ռուս նարոդնիկական գրողների ու հայ գյուղագիրների միջև նկատելով վերջիններիս նրանց հետ ունեցած ընդհանրությունը, այդ համարում է ոչ թե պարզապես ընդօրինակման արդյունք, այլ բացատրում է սոցիալ-տնտեսական կյանքի համանման կողմերով: Տերտերյանը տեսավ մեր գյուղագիրների յուրահատկությունը, գնահատեց կապիտալի դեմ ուղղված նրանց անհաշտ պայքարը: Նա քննադատեց նաև գյուղագիրների սահմանափակությունը և ցույց տվեց, որ նրանք՝ շփոթելով սոցիալական պատճառն ու հետևանքը, կովում էին ոչ այնքան պատճառների, որքան հետևանքների դեմ:

Հարգելի գրականագետի կատարած այդ շնորհակալ աշխատանքն իր ճիշտ հարցադրումներով հանդերձ զերծ չէ որոշ թերություններից: Նշենք ամենից առաջ այն, որ ելնելով սխալ հայեցակետից, Տերտերյանը հայ գյուղագրության պատմությունն սկսում է անցյալ դարի 40-ական թվականներից և հասցնելով մինչև իր օրերը, Արուսյանից—Բակունց, գրեթե բոլորին, բացառությամբ Նար-Դոսի և Շիրվանզադեի, համարում է հայ գյուղագիրներ, այդ դպրոցի գոյության շրջանը հաշվելով մոտ մեկ հարյուրամյակ, թեև իրականում այն ունեցել է հիսունամյա պատմություն: Բացի այդ՝ որոշ հեղինակների գնահատելիս, հանգուցյալ պրոֆեսորը նրանց մեխանիկորեն հարմարեցրել է նարոդնիկական հայտնի թեորիայի պատրաստի սխեմաներին, մոռանալով, որ պրոդը իր ստեղծագործության թույլ և ուժեղ կողմերով բարդ անհատականու-

1 Ա. Տերտերյան, Նկատողություններ մեր գյուղագիրների մասին, Երևան, 1927, էջ 12.

թյուն է, իսկ նարոդնիկական գաղափարախոսության և հայ գյուղագրության փոխհարաբերության հարցը շատ առավել բարդ է, քան այն կարող է թվալ տառջին հայացքից:

Տերտերյանից հետո առանձին գյուղագիրների հրատարակության առիթով, այդ ուղղությամբ օգտակար աշխատանք են կատարել նաև զրականագետներ Հարություն Մկրտչյանը², Եղիշե Պետրոսյանը³ և Արամ Ինճիկյանը⁴, Այսուհանդերձ մենք դեռևս չունենք հայ գյուղագրության պատմությունը, որի ստեղծման ճանապարհին մեր առաջ ծառացած, ռիտական լուսաբանության կարոտ առաջնահերթ խնդիրներից մեկը, ինչպես ասացինք, նարոդնիկական գաղափարախոսության և հայ գյուղագրության փոխհարաբերության հարցն է: Այդ հարցին պատասխանելուց առաջ անհրաժեշտ է նշել, որ նարոդնիկությունը բարդ երևույթ էր ուս հասարակական մտքի և ազատագրական շարժման պատմության մեջ: Լենինն այս զնահատում է որպես գյուղացիական դեմոկրատիայի գաղափարախոսություն և Ռուսաստանի ազատագրական պայքարը սկսած 1861 թվականից մինչև 1895 թվականը համարում նարոդնիկության էպոխա: Սակայն նարոդնիկությունը չի եղել միատարր: Նրա զարգացման մեջ նշվում է երկու էտապ. հին ռուսական կամ ռևոլյուցիոն նարոդնիկություն (Գերցեն, Չերնիշևսկի) և ռևոլյուցիոն նարոդնիկություն (Միխայլովսկի, Վորոնցով):

Ո՞րն էր նարոդնիկության մեջ առաջադիմականը և ո՞րը հետադիմականը: Լենինը ցույց է տվել, որ նարոդնիկական թեորիան ուսույթական էր իբրև «սոցիալիստական» թեորիա և ռևոլյուցիոն է եղել որոշ կտապում իր հակաֆեոդալական բովանդակությամբ: Կապիտալիզմի զարգացումը Ռուսաստանում համարելով պատահական երևույթ և շրջանցելով այն, ժխտելով բուրժուական քաղաքն ու բանվոր դասակարգի առաջատար դերը, նարոդնիկները կարծում էին, թե առանց կապիտալիզմի զարգացման, հենվելով լուսավորված գյուղացիական համայնքի վրա, կարելի է հասնել սոցիալիզմի: Այդ գիտակցությամբ նրանք իդեալականացնում էին համայնքը, կոչելով մտավորականությունը դեպի գյուղ, դեպի բուն մոդոլորգր: Առաջադիմականը նարոդնիկների դեմոկրատիզմն էր: Այն, որ նրանք պայքարում էին ճորտատիրության մահացուկների և բուրժուական շահագործման դեմ, հանուն աշխատավոր ժողովրդի ազատության: Նարոդնիկները դնում էին նաև ցարիզմի դեմ քաղաքական պայքար ծավալելու խնդիրը, բայց մասսաների կազմակերպված պայքարի՝ ապրտամբության անհրաժեշտության հարցը փոխարինում էին անհատական տևորի պահանջով:

Իբրև գյուղացիական դեմոկրատիայի գաղափարախոսություն նարոդնիկությունն, իհարկե, չի եղել պուտ ռուսական երևույթ: Այն պատմականորեն անհրաժեշտ ու անխուսափելի էր ոչ միայն Ռուսաստանի, իբրև ագրարային երկրի, այլև Անդրկովկասի և մասնավորապես Հայաստանի համար, ուր շատ թույլ էր զարգացած արդյունաբերությունը, գերակշռումը՝ գյուղացիական տարրն էր և ստեղծված էին բոլոր պայմանները՝ նարոդնիկական գաղափարների տարածման համար: Իսկ նարոդնիկական գաղափարների տարածողները

² Տե՛ս Ա. Ազապյանի «Երկերի ժողովածուին» (1934) և Հ. Ծուդուրյանի «Մոռացված աշխարհին» (1935) կցած առաջաբանները:

³ «Հայ գյուղագիրներ» ժողովածու, 1950, առաջաբանի փոխարեն:

⁴ Բ ա Ր Կ Ե Ն Յ, Նորեկ, 1961, առաջաբանը:

մեղադրում եղան հայ առաջավոր մտավորականության այն ներկայացուցիչները, որոնք 70-ական թվականներին՝ ընդգրկված լինելով համառուսական նարոդնիկական շարժման մեջ, ակտիվ մասնակցություն էին ունեցել Մոսկվայի Պետերբուրգի և այլ քաղաքների նարոդնիկական խմբերին, իսկ հետագայում բանտարկվել ու աքսորվել Կովկաս։ Պատմությունից հայտնի է, որ 1875 թ. Անդրկովկասում հիմնադրված առաջին նարոդնիկական կազմակերպության՝ 68 անդամներից հինգը⁵ հայեր էին, որ 1881 թ. Մոսկվայի հայ ուսանողները կազմակերպել էին նարոդնիկական խմբակ «Հայրենասերների միություն» անունով։ «Հայրենասերների միությունը» 1884 թ. հրատարակեց նույնիսկ իր անլեզալ օրգան «Ազատության ավետաբեր» թերթը, բայց մի քանի համար միայն։ Վերջապես 1882 թ. վերջին և 1883 թ. սկզբին Թիֆլիսում կազմակերպվում է անլեզալ նարոդնիկական խմբակ բացառապես հայերից։ Խմբակի անդամներ՝ Գաբրիել (Գաբո) Միրզոյանը, Կոստանդին Մելիքյանը, Քրիստափոր Միքայելյանը, Ալեքսանդր Պետրոսյանը (նույն ինքը գյուղագիր Սանդալը), Խաչատուր Մալումյանը և Գևորգ Ղարաջյանը հաճախ լինում էին հայկական գավառներում, կապ պահպանում տեղի մտավորականության հետ, տանում կուլտուր-կրթական բացատրական աշխատանք։ Այդ խմբի նախաձեռնությամբ 1884 թ. հեկտոգրաֆի վրա տպագրվեց Նալբանդյանի «Ներկադործությունը», որ նրանց համար արտագրել էին արհեստավորաց դպրոցի սաներ՝ Միքայել Հովհաննիսյանն⁶ ու Ալ. Սատուրյանը։

Հայ նարոդնիկներն, իհարկե, չեն ծավալել քաղաքական լայն գործունեություն։ Նրանց համար առաջնահերթը հայրենասիրական պրոպագանդան էր։ Պատահական չէ, որ 1885 թ. փետրվարին, ի պատասխան ցարի կողմից հայկական դպրոցների փակման, խմբակը հրատարակում է «Հայ եղբայրներ և հայ քույրեր» հայրենասիրական ծավալուն թռուցիկը, որն ավարտվում է ցարական բռնակալներին «մահվան վճիռ կարդալու» պահանջով։ Հայ նարոդնիկները շունեին իրենց ինչպես քաղաքական, այնպես էլ գրական օրգանը։ Ընդունելով հակակապիտալիստական դիրքորոշում, նրանք իրենց պրոպագանդայի համար ստիպված էին ապաստան գտնել նախ պահպանողական «Մեղու Հայաստանի» (1863—1886) և «Նոր-Դարի» (1884—1908), ապա նաև «Փորձի» (1876—1881), «Գործի» (Շուշի—Թիֆլիս, 1882—1884), «Արձագանքի» (1882—1898), ինչպես նաև «Մշակի» (1872—1920) ու «Մուրճի» (1889—1907) էջերում, մանավանդ որ գյուղացիական հարցում կանգնած լինելով ցարական ռեֆորմի անշեղ կենսագործմանը Հայաստանում, պաշտպանելով նարոդնիկական ուտոպիական հայացքները «Մեղվի» և «Նոր-Դարի» աշխատակիցներն իրենց հրապարակախոսական և գեղարվեստական գործերում ավելորդ կամ պակաս չափով բաժանում էին նարոդնիկական այդ իշխող տրամադրությունները։

Իբրև պատմականորեն կյանքի կոչված և իր ժամանակի համար կենսականորեն անհրաժեշտ գրական դպրոց, հայ գյուղագրությունը միաժամանակ դարգանում էր Արևելահայաստանում և Արևմտահայաստանում, նվաճում

⁵ Հայ նարոդնիկության վերաբերյալ տվյալները վերցրել ենք Մ. Ներսիսյանի «Նարոդնիկական խմբակներն Անդրկովկասում» (1940) գրքից։

⁶ Ապագա փոպուսան Նար-Դոսը։

պատմականորեն տարբեր ճակատագրեր էին վիճակված մեր ժողովրդի երկու հատվածներին, այդ էլ պայմանավորեց գյուղագրության զարգացման տարբեր ընթացքը: Սույն հոդվածի նպատակն է շոշափել միայն արեւելահայ գյուղագրության զարգացման, նրա պատմության ու տեսության հետ կապված մի քանի առանցքային հարցեր:

Արեւելահայ գյուղագրությունը սկիզբ է առնում անցյալ դարի 70-ական թվականներից, երբ Անդրկովկասում կապիտալիզմի զարգացման հետևանքով բայթայվում էր նահապետական գյուղն ու ծավալվում գյուղացիության պայքարը: Գյուղացիական շարժման փաստեր են մեզ հայտնի Երևանի, էջմիածնի, Նոր-Բայազետի և այլ գավառներից⁷: Բուրժուական հարաբերությունների զարգացման այդ շրջանում էլ հայ իրականության մեջ ուժեղանում է հետաքրքրությունը դեպի կապիտալիզմի հարվածներից խարխուղող գյուղը: Այդ անհրաժեշտ նախադրյալներ է ստեղծում գյուղագրության զարգացման համար: Դրանում դժվար չէ համոզվել, եթե հիշելու լինենք, թե ովքե՞ր էին մեր գյուղագիրները: Մասնագիտությամբ բժիշկ, իրավաբան, գյուղատնտես, իսկ հիմնականում ուսուցիչներ, որ ապրելով գավառում և ականատես լինելով այդ խավար ու մոռացված աշխարհի մարդկանց անմխիթար կյանքին, դարձել էին նրանց վշտերի ու իղձերի սրտացավ թարգմանը:

Գյուղագրության զարգացման մյուս ազդակը նարոդնիկությունն էր: Բայց որովհետև մեր գյուղագրությունը սկսեց զարգանալ ուս նարոդնիկական փրկականությունից մեկ տասնամյակ ուշ, ապա հասկանալի պատճառներով ժառանգեց այդ գրականության ոչ թե ուսուցիչին, այլ մանր բուրժուական ոգին: Այսպիսով՝ իր ազգային երանգի մեջ լինելով նարոդնիկական գեղարվեստական գրականության տարատեսակը, մեր գյուղագրությունն իր հիմքում ունեցել է զարգացման տեղական ազդակներ: Հենց դրանով է բացատրվում գյուղագրության զարգացման փաստը՝ մեր փրկականության նաև արևմտահայ հատվածում, որը նարոդնիկության հետ չառնչվելով հանդերձ, ի դեմս Թլկա-տինցու, Բաշալյանի և մյուսների տվեց գյուղագրության իր լավագույն ներկայացուցիչներին:

Իր ազգային արմատներով հայ գյուղագրությունը կապվում է մեր դասական գրականության՝ առաջին հերթին Աբովյանի, Պոռշյանի և Աղայանի ստեղծագործական ավանդների յուրացման հետ, որն արտահայտվել է սյուժեի ընտրության, կերպարների ստեղծման, բարբառների և վեղարվեստական հնարանքների օգտագործման, ինչպես նաև ժողովրդական ստեղծագործությունից մեծապես օգտվելու մեջ, թեև գյուղագրական հերոսների դործունեությունը շունչեղավ սոցիալական գիտակցված պայքարի այն բովանդակությունը, որպիսին ներկայացնում էր Աղայանի Արզումանի («Երկու քույր») և Պոռշյանի Հունուլի (համանուն վեպից) դործունեությունը:

Վերջապես չպետք է մոռանալ, որ արեւելահայ գյուղագիրները, որոնց դանկը երկու տասնյակից ավելի է, յուրովի և տարբեր չափով են բաժանել նարոդնիկական հայացքներն ու տրամադրությունները: Նրանց ռեալիստական ստեղծագործությունը հաճախ էլ հակասել է այդ պաշտփարներին, թեև նրանք բոլորն էլ հետևում էին նարոդնիկության առաջադրած «հերոսի» և «ամ-

⁷ Տե՛ս Վ. Հ. Ռշտունի. Ուրվագծեր Հայաստանի գյուղացիության պատմության, մաս II, 1960, էջ 265—296:

լուխի» թեորիային և մանր-բուրժուական մտավորականության հետ կապում պորժուենության որոշակի ծրագիր, որը հանգում էր գյուղացիներին լուսավորելու և նրանց իրավունքները պաշտպանելու կոնկրետ պահանջին: Նարոդնիկական գաղափարներին արձագանքելու իմաստով չի կարելի, օրինակ, նույնացնել Ալ. Արարատյանի և Ազապյանի, Տեր-Ավետիքյանի և Աղելյանի, Նամալյանի և Մալխասյանի, Շահրիարի և Ջավախեցու, Ա. Շահնազարյանի և Մամիկոնյանի, Ճուղուրյանի և մանավանդ Սանդալի ստեղծագործությունը, որը հաւ պրոֆեսիոնալ նաոողնիկներից էր, ծավալել է քաղաքական գործունեություն և իր գեղարվեստական ստեղծագործություններով մղել նարոդնիկական պրոպագանդա: Ունենալով հասարակական ընդհանուր նպատակադրում, հայ գյուղագիրները բոլորն էլ պայքարել են ճնշման ու շահագործման, տգիտության ու հետամնացության դեմ, ժխտել բուրժուական քաղաքակրթությունն ու բարքերը: Այդ էլ, անշուշտ, պայմանավորել է նրանց ստեղծագործական նմանությունները, թեև իբրև անհատականություններ նրանք անվիճելիորեն տարբեր են: Եթե այդ տարբերությունը կոնկրետացնելու լինենք վերոհիշյալ հեղինակներից թեկուզ մի քանիսի վերաբերյալ, ապա պիտի ասենք, որ Արշակ Ազապյանի ստեղծագործությունը աչքի է ընկնում իր գաղափարապես նպատակասլացությամբ: Իբրև ստեղծագործող իր հասարակական իդեալներով Ազապյանը ոչ միայն տարբերվում, այլև անհամեմատ բարձր է մյուս գյուղագիրներից: Բավական է հիշել թեկուզ այն փաստը, որ եթե սկզբում իբրև նորդարական նա անհնարին էր համարում գյուղացիության հողատարածության ավելացումը՝ ի հաշիվ ազնվականների, և սրանց ընդվզման մեջ արդարացի գայրույթի փոխարեն տեսնում էր մանր քինախնդրություն միայն, ապա հետագայում Ազապյանը բացահայտում է այդ պայքարի դասակարգային հիմքը և գյուղի սոցիալական վերափոխման ուղիների ընտրության ճանապարհին ապրելով ստեղծագործական էվոլյուցիա, գյուղացիներին լուսավորությամբ փրկելու առաջարկից անցնում է նրանց նյութական դրությունը բարելոքելու պահանջին: «Ինչպես անհատի, այդպես էլ ժողովրդի բարոյականը սերտ կապ ունի նրա նյութականի հետ: Նյութականը բարձրանալով՝ բարձրանում է և բարոյականը: Յուրաքանչյուր բանիմացի պարտականությունն է, — ասում է նա, — աշխատել գյուղացու նյութական դրությունը բարձրացնել»⁸:

Ի տարբերություն Ազապյանի, Աղելյանը իր ստեղծագործություններում արձագանքելով նարոդնիկներին, իբրև գյուղափրկիչ ծրագիր առաջադրում է գյուղական կոոպերացիայի հիմնումը, մինչդեռ Ճուղուրյանի մոտ առավել բնորոշված է ակտիվ հերոսի և պասսիվ ամբոխի գաղափարը: Նրա ստեղծագործության մեջ առկա է նաև 1905 թ. ռևոլյուցիայի արձագանքը («Զատոյի բախտի անիվը»): Հովհաննես Մալխասյանը իրեն հուզող հարցերի պատասխանը որոնում է ոչ թե քաղաքականության, այլ բարոյախոսության մեջ: Նրա ուշադրության կենտրոնում մարդն է իր հոգեբանական ուժեղ ապրումներով ու զգայական պոռթկումներով: Նրա ստեղծագործություններում պատկերված է նաև կամազուրկ և արատավոր մարդկանց ողբերգությունը («Արցունքներ», «Հանցանք», «Անմեղ հոգին»), համեմատաբար մեծ տեղ է տրված գղացուինց տեսարաններին, կյանքի նատուրալիստական վերարտադրությանը:

Արշակ Շահնազարյանի գյուղագրական պատմվածքներում առաջին պլանի

⁸ «Նոր-Դար», 1900, № 26:

վրա է մղվում անհատական տեղորո («Մացակի լոշը», «էն սև օրերից»)։ Նորահարստահարված գյուղացին չապավինելով և չվստահելով օրենքին, անհրաժեշտության դեպքում իր իսկ ձեռքով է տեսնում իր դատը։

Հիշյալ հեղինակները իրարից խիստ տարբերվում են նաև գրական մալ-պետությամբ ու խառնվածքով։ Դրանք հայ գյուղագրության մայր գետը կապ մոդ տարբեր վտակներն են՝ մեկը ջինջ ու շոնդալից, մյուսը՝ պղտոր ու հանդարտ։ Վերջապես մեր բազմաթիվ գյուղագիրներից բոլորը չէ, որ ունեցել են իրենց որոշակի աշխարհայացքն ու ուրույն ձայնը, գրել սխտեմատիկաբար, խմել, ինչպես ասվում է, սեփական բաժակից։ Նրանց մեջ եղել են և ուղեկիցներ, պատահական առիթներով գրողներ (Ս. Ումիկյան, Հ. Արդուլյան, Ս. Տեր-Մելիքսեղեկյանց և ուրիշներ), որոնք եկել ու անցել են ոչ մի հետք չթողնելով ինչպես գրականության պատմության մեջ, այնպես էլ ժամանակակիցների հուշերում։ Բայց հենց այդ հանգամանքն էլ պարտավորեցնում է սովետական գրականագետներին տալու գյուղագրության գիտական սահմանումը և մինչև այժմ պայմանականորեն «գյուղագիր» կոչված հեղինակների բանակից դատելու բուն գյուղագիրներին, որպեսզի հերքենք այն մեխանիկական սահմանումը, թե գյուղագիրը—գյուղի մասին գրողն է, թեպետ այդ, ինչպես թևադրում է ինքը բառը, անհրաժեշտ, բայց ոչ միակ պայմանն է։

Հենց սկզբից ասենք, որ գյուղագիրը կարող է լինել և՛ բանաստեղծ, և՛ արձակագիր, կարող է պատկերել նույնիսկ քաղաքային կյանքը, սակայն բոլոր դեպքերում մնալով կյանքի մակերեսային պատկերման շրջանակներում, չկատարելով սոցիալական խոշոր ընդհանրացումներ, գյուղագիրը ինչպես քաղաքական, այնպես էլ տնտեսական ու հոգևոր կյանքի երևույթները դնահատում է սահմանափակ գյուղացու հայեցությամբ, չբարձրանալով մինչև ճշմարիտ և ընդհանրացնող արվեստը։ Ի տարբերություն կլասիկ ռեալիստի, որն ընդհանրացումներ է կատարում զգայական ընդհանրացված կերպարների միջոցով, գյուղագիրը ռեալիստն այդ անում է հրապարակախոսական եզրակացություններով, և որովհետև նա շունչի կլասիկների գեղարվեստական ընդհանրացման ուժը, չի խորանում նաև գյուղական ընդհանրացված կերպարների ստեղծման մեջ, և՛ ընդհակառակը. մեզանում քիչ չեն գեպեր, երբ առանձին հեղինակներ (Մուրացան, Թումանյան) գյուղագիրներ չլինելով հանդերձ, իրենց մեծ տաղանդի շնորհիվ ստեղծել են դարեվերջի հայ գյուղի սոցիալական կյանքը պատկերող չգերազանցված դորժեր։ Մուրացանն, օրինակ, ցույց տվեց հայ գյուղի շերտավորման ու քայքայման ողբերգական լինելը ոչ միայն անհատի, այլև գյուղական ամբողջ հասարակության սոցիալական դիմանկար, փոխելու իմաստով, ձիշտ է, նա էլ գյուղագիրների նման ազդի հիմքը համարում էր գյուղացուն, հայրենիքի հիմքը՝ գյուղը, և այդ գիտակցությամբ կոչ անում մտավորականությանը, փրկելու հայրենիքի խաբխրվող շենքը, բայց և այնպես Մուրացանը գյուղագիր չէր, նա գյուղագիր չէր ոչ միայն այն պատճառով, որ ի վերջո հրաժարվեց գյուղափրկիչ իր միամիտ ծրագրերից, ոչ միայն այն պատճառով, որ իր ստեղծագործության հիմնական մասով վերարտադրում էր քաղաքային կյանքն ու պատմական անցյալը, այլ առավելապես այն պատճառով, որ նրա գյուղական պատմվածքները իրենց ռեալիզմի ընդհանրացնող ուժով և արվեստի գերազանց մակարդակով պատռում էին զավառայնության դորժ թողը, դուրս գալիս համագոյային-համամարդկային ասպարեզ, ի տարբերություն գյուղագիրների, Մուրացանի հերոսները չէին

փոխվում ոչ միմյանց, ոչ էլ ուրիշների հետ նրա «նույն ազգազգ» դարձալ ոչ միայն իր սեփական հերոսին, այլև առհասարակ գյուղին խորթացած մտա-
փոքրականին բնութագրող մի հատուկ անուն, որի երկվորյակներին ամեն քայ-
լափոխում կարելի էր հանդիպել կյանքում: Այդ հանդամանքն էլ պայմանա-
վորեց նույն ազգազ-Վանու անմահությունը ի հակակշիռ գյուղագրական շատ
հերոսների, որ մեռնում էին իրենց հեղինակներից էլ առաջ:

Այսպիսով, ինչպես իր ողջ հայեցողությամբ, այնպես էլ արտացոլման մե-
լիոգով Մուրացանը կապվում է ոչ թե մեր գյուղագրության, այլ կլասիկ գրա-
կանության ավանդների հետ: Ի դեպ, կարելի է ցույց տալ և հակառակ պրո-
բլեմ, երբ մեր հեղինակները (Սանդալ, Մամիկոնյան, Մալխասյան) պատկե-
րում են քաղաքի, նույնիսկ բանվորի կյանքը («Վիշապ», «Կյանք և փող»,
«Ավազի վրա»), բայց չհաղթահարելով գյուղական հայեցողությունն ու գյուղա-
գրության կաշկանդիչ նորմաները, չեն հասնում ռեալիստական արվեստի
բարձր մակարդակին:

Հաջորդ խնդիրը՝ գյուղագրության մեր պրականության պատմության մեջ
խաղացած դերի լուսարանումն է, որովհետև պրականության զարգացման
բնդհանուր պրոցեսում անժխտելի է գյուղագրության և՛ պատմական, և՛ գե-
ղարվեստական նշանակությունը:

Ինչպես տեսանք, իրենց հասարակական իդեալներով, կյանքին ներկա
յացրած պահանջներով, գյուղագիրները հիմնականում քիչ են տարբերվում
միմյանցից: Նրանց հատուկ են այն հակասություններն ու սահմանափակու-
թյունները, որ բնորոշ էին մեր գյուղացիությանն ու նրանց շահերի արտահայ-
տիչ հայ նարողներիին: Այդ արտահայտվել է առաջին հերթին տեղայնու-
թյան մեջ: Նյութի բնտրության լիմաստով գյուղագիրները կաշկանդված էին
ոչ միայն հայրենի գավառի, այլ երբեմն նաև սոսկ ծննդավայրի սահմաննե-
րում, թեև նրանց շոշափած հարցերը դուրս էին գալիս նաքողնիկական զա-
ղափարախոսության նեղ շրջանակներից, հաճախ էլ հակադրվում նրանց: Հա-
սարակական կյանքին արձագանքելու անհրաժեշտությամբ գյուղագիրները դի-
մում էին հրապարակախոսության ժանրին, ստեղծելով կիսահրապարակախո-
սական-կիսազեղարվեստական բնույթի գործեր, որտեղ հրապարակախոսա-
կան տարրը իշխում է երկի գեղարվեստական հենքի վրա: Այդ երկերում գե-
ղարվեստական պատկերն ու հրապարակախոսի դիպուկ խոսքը միշտ չէ, որ
ձուլվում են իրար, իսկ կոնֆլիկտներն ունենում են բավելի սոցիալական, քան
հոգեբանական հիմք: Այդ պատճառով նրանց մեջ առավել հաջողված են սոցիա-
լական, քան հոգեբանական տիպերը: Նույնիսկ գլխավոր հերոսները, քիչ բացա-
սությամբ, գուրկ են լինում ներքնաշխարհից: Պատմվող նյութի հավաստիությու-
նը շեշտելու նպատակով գյուղագրական գործերում իբրև երկի հերոս հաճախ
հանդես է գալիս հեղինակն ինքը, լույս սփռելով դեպքերի ու դեմքերի վրա:
Գյուղագիրներին մեծ մասամբ պրպեցնում է ոչ թե մի կոնկրետ անհատի, այլ
գյուղական ամբողջ համայնքի ճակատագիրը, նրա սոցիալական ծանր կյան-
քը: Ուստի գյուղագրության ուժը գյուղական կենցաղի և գյուղացու հոգեբա-
նության ճշմարտացի վերարտադրության, գյուղական մասսայի պոտենցիալը,
դնահատելու մեջ է: Գյուղագիրները անկեղծ ժողովրդայնությամբ էլ պայմա-
նավորված նաև կյանքի ռեալիստական մեկնարանում, սոցիալական հակա-
սությունների դրսևորումը:

Ճիշտ է, ռեալիստական բնդհանրամասն ռեալիստից գյուղագիրները

Հասան իրենց ուսուցիչներ՝ Աբովյանին, Պոռշյանին ու Աղայանին, սակայն գյուղական կյանքի առանձին մանրամասների նկարագրության մեջ նրանք նույնիսկ առաջ անցան իրենց ուսուցիչներից և տարբեր դիտակետերից պատկերելով այդ կյանքը, ստեղծեցին գյուղական միջավայրի ավելի ամբողջական և բազմերանգ պատկերներ: Այնպես որ, եթե գյուղագիրների գեղարվեստական արժեքը հարաբերական է, կախված նրանց վարպետության աստիճանից, ապա պատմական-ճանաչողական արժեքը բացարձակ է:

Ի դեպ, առիթից օգտվելով ասենք, որ գյուղագրական այդ ոեալիզմը պրականության մեջ տիրապետություն հաստատած քննադատական ոեալիզմի՞ որակապես տարբերվող մասնակի մեթոդ էր, որը հանդես գալով բիրտ նահապետականության քննադատությամբ, միաժամանակ արտահայտվում էր հոգուտ նրա անհետացող, բայց սրբագործված նորմաների: Հետևաբար, ունենալով իր նախորդի մտրակող թափը, գյուղագրական ոեալիզմը շունեք նրա ընդհանրացնող ուժը:

Իբրև ոեալիստական գրականություն՝ գյուղագրությունն իր տեսակի մեջ տենդենցիոզ է, այն տարբերությամբ միայն, որ այստեղ տենդենցը ոչ թե՛ դգուշությամբ թաքցվում, այլ բացահայտորեն մատուցվում է: Ավելին. առաջ մղելով գաղափարը, գյուղագիրը հաճախ արվեստին տալիս է երկրորդական տեղ, որը պայմանավորում է նրանց երկերի գեղարվեստական մշակվածության և չափի զգացման պակասը, գրական թափթփվածությունը, կյանքի լուսանկարչական վերարտադրությունը, նատուրալիզմին տուրք տալը և այլն: Կյանքի գեղարվեստական մեկնաբանումը նման դեպքում փոխարինվում է ազգագրությամբ կամ թե՛ տեղի տալիս մերկ փաստագրության: Բայց բոլոր դեպքերում՝ հավատարիմ ոեալիզմի սկզբունքին, նրանք իրենց նկարագրությունների մեջ երբեք չեն իդեալականացնում պարսավելին կամ գունազարդում կյանքի մոռյլը: Ընդհակառակը. գյուղագիրները դատապարտում են ոմիայն իշխանավորի վայրագությունը, այլև համարձակ ցույց տալիս ժողովրդի բացասական հատկությունները, որ պայմանավորված էին նրա նյութական ու հոգևոր կյանքի անմարդկային մակարդակով:

Հանդես գալով կապիտալիզմի բուռն զարգացման շրջանում, մեր գյուղագիրները չմբռնեցին, իհարկե, նրա պատմական-ուռաջագիմական դերը: Կապիտալիզմը զնահատելով միակողմանի՝ սոսկ զավառում գործած նրա սոցիալական շարիքի և նահապետական բարոյականության վրա ունեցած բացասական հետևանքների մասշտաբով, գյուղագիրները պատերազմ հայտարարեցին կապիտալիզմի կործանարար հետևանքներին: Նրանք առավել ևս շհասկացան պրոլետարիատի պատմականորեն առաջադիմական դերը, ուստի բանվորին կամ շէին տեսնում կամ պատկերում էին կյանքի հատակում—անբարոյականության ու հարբեցողության որջերում (Շահնազարյան, Շահրիար):

Սահմանափակ իրենց աշխարհայացքով, գյուղագիրները կապիտալիզմի գյուղ թափանցելը համարում էին ոչ թե՛ հասարակության օրինաչափ զարգացման արդյունք, այլ արտաքին բացասական ազդակների հետևանք և հնարավոր համարում այդ բացասական երևույթների դեմ պայքարելը՝ առանց բուռն հասարակության հիմքերին կաշելու: Թեև կապիտալիզմի քննադատության մեջ գյուղագիրներն անհետևողական էին, բայց և այնպես բացահայտեցին նրա հիմնական խոցերն ու արատները, ոգևորեցին գյուղացիության պայքարը ընդդեմ կապիտալիստական ճնշման ու ֆեոդալական մնացուկների:

Հենց դրանով նրանք պատմականորեն կատարեցին դրական-առաջադիմական խոշոր դործ:

Հայ գյուղագիրները ոչ միայն շողջունեցին կապիտալիզմի մուտքը, այլև նրանցից ոմանք, նրան հակադրվելու անհրաժեշտությամբ սկսեցին իդեալականացնել գյուղական համայնքը՝ իբրև մարդկանց աղքատության ճիրաններից և կապիտալիզմի բացասական մյուս ազդեցություններից փրկող միակ հուսալի ապաստան: Ի դեպ, համայնքի այդ իդեալականացումը որոշ հեղինակների մոտ ըստ էության ոչ թե նահանջ էր ռեալիզմից, այլ յուրովի բողոք բուրժուական հասարակության դեմ, քանզի դրանով նրանք, ի վերջո, արտահայտում էին հասարակության վերափոխման իրենց ձգտումը, բայց քաղաքականության մեջ առաջ նայելու փոխարեն նայելով հետ, հակադրվում էին պատմության առաջատար տենդենցներին: Բայց այդ, ինչպես տեսանք, գյուղագիրների ոչ թե հանցանքը, այլ ակամա դժբախտությունն էր միայն: Այնուամենայնիվ կասկածից վեր է, որ գյուղագրությունն իր բոլոր թերություններով հանդերձ, մեր իրականության մեջ նպաստել է քննադատական ռեալիզմի դարդացմանը, բերել որոշ նորույթներ նաև ժանրային իմաստով (գյուղական պատկեր, գյուղական զրույց, գյուղական պոեմ և այլն), պատասխանել ժամանակի հուզող շատ հարցերի: Իսկ եթե այն հաճախ չի էլ կարողացել լիովին լուծել առաջադրված խնդիրները, գոնե սկսել է ընթերցողի ուշադրությունը նրանց վրա, հրահրել կրքեր, բախել կարծիքներ, գյուղի փրկությունը դարձրել օրակարգի առաջնահերթ հարց: Ահա ինչու Պլեխանովի ուսումնարանիկական դրականությանը տված այն բարձր և ճշմարիտ գնահատականը, թե՛ «մեր նարոդնիկական բեկետրիստիկական լիովին ռեալիստական է... նրա ռեալիզմը ջերմացված է զգացմունքով, տոգորված գաղափարով... Մասնագիտական ոչ մի հետազոտություն չի կարող փոխարինել նրանց նկարած ժողովրդական կյանքի պատկերներին»⁹, վերաբերում է նաև հայ գյուղագրության լավագույն ստեղծագործություններին, որոնք իրենց ռեալիստական, գրեթե «փաստական» ճշտությամբ մեր ժողովրդի անցյալ դարի 70—90-ական թվականների կյանքի պատկերման հուզիչ, պատմականորեն ցնցող վավերագրեր են: Բայց այս չի նշանակում, իհարկե, թե իր կենդարյա գոյության շրջանում հայ գյուղագրությունը միշտ եղել է միատարր, և թե 70—80-ական թվականների մեր գյուղագրությունը որակապես չի տարբերվել 90-ական թվականների գյուղագրությունից: Այդ տարբերությունը ակնբախ է և պայմանավորված նարոդնիկական գաղափարախոսության կրախով:

Ամբողջ հարցն այն է, որ 90-ական թվականներին, երբ հանդես եկավ պրոլետարիատը՝ սոցիալիստական գաղափարախոսության և դասակարգային պայքարի իսկական կրողը, երբ վերջնականապես սահմանազատվեցին դեմոկրատական ու սոցիալիստական ուղղությունները, մարքսիստները պայքար սկսեցին ռեակցիոն նարոդնիկության, իբրև բանվորական շարժման և մարքսիզմի գաղափարների տարածման արգելակողների դեմ: 90-ական թվականների նարոդնիկությունը կորցնում է իր նախկին ունիվերսալ ուժը և գյուղացիական դեմոկրատիայի գաղափարախոսությունից վերածվում լիբերալ բուրժուական գաղափարախոսության: Գաղափարախոսության մեջ առաջացած այս

⁹ Г. В. Плеханов, Избранные философские произведения, Москва, 1958, т. V, стр. 47

վերասերումը արտահայտվում է նաև գեղարվեստական դրականության՝ իբրև հասարակական գիտակցության ձևի մեջ, իսկ դրա արդյունքը լինում է այն, որ 80—90-ական թվականների ոուս նարոդնիկ գրողները չկարողանալով բացատրել հասարակական զարգացման օրինաչափ պրոցեսը, նահանջում էին ունալիզմից, տուրք տալով ումանտիզմին։ Այդ հանգամանքը նկատելի է ոուս նարոդնիկ գրողներից հատկապես Նաումովի, Ս. Կարոնինի և Ն. Զլատովրատսկու ստեղծագործության մեջ։ Նույն օրինաչափությամբ 90-ական թվականներին հայ գյուղագրությունն էլ ապրում է գաղափարական ու ստեղծագործական նահանջ։ Եվ պատահական չէ օրինակ, որ եթե Սանդալի գյուղ մեկնող հերոսը համոզված իր դավանած գաղափարների անսխալականության մեջ՝ հասնում էր ինչ-որ արդյունքների («Փոքրիկ աստղ»), ապա Բաբկենցի, Ան. Արուստյանի և Ժուլուրյանի հերոսների գործունեությունը ոչ միայն չի պսակվում նույնատիպ հաջողությամբ, այլև նրանք ապրում են իրենց փայփայած պատրանքների խորտակման ողջ սարսափն ու ծանրությունը, դիմադարձ լինում ղեպի նոր գաղափարներ (Ժուլուրյան)։

Ահա ինչու, անցյալ դարի 70-ական թվականներից պատմական անհրաժեշտությամբ կյանքի կոչված հայ գյուղագրական դպրոցը կարողացավ հարատևել փաստորեն մինչև մեր դարի տասական թվականները, որից հետո սպառած իր նարոդնիկական լիցքն ու չդիմանալով քննադատական ունալիզմի տիրապետության շրջանում առաջացած գրական ուժեղ մրցակցությանը, իր 50-ամյա գործունեությունից հետո հոգևոր ապրեց, թեև նրա առանձին ներկայացուցիչներ (Մալխասյան, Ժուլուրյան, Շահնազարյան) շարունակեցին ստեղծագործել նաև սովետական շրջանում։